

Stáhtaráđi ása hus

astoáiggeguolásteami sálašalmmuhusas

Stáhtaráđi mearrádusa mielde ása huvvo guolástanlága (379/2015) 62 a §:a 3 momeantta vuodul, dakkárin go dat lea lágas 448/2023:

1 §

Guollešlájat ja -nálit, mat almmuhuvvojit

Astoáiggeguolásteami sálašalmmuhusa galgá bargat čuovvovaš guollešlájain ja -náliin:

- 1) luossa;
- 2) jávreluossa;
- 3) dápmot;
- 4) ággaras;
- 5) rávdu Kuolimos ja Saimaas sihke eará sajis Vuoksi čázádagas (Čuovus 1);
- 6) soavvil sisčázádagain govdotatgierddu 65°00'N máttabealde ja mearas;
- 7) ruoššaluossa.

2 §

Almmuhusa hápmi ja almmuheami áigemearri

Sálašalmmuhusa galgá bargat elektrovnnalaš bálvalusa bokte, Luondduriggodatguovddáza nannen skoviin dahje telefavnain.

Sálašalmmuhusa galgá bargat farggamusat, goittotge mañimustá 14 jándora siste guoli bivdimis.

3 §

Dieđut, mat addojit almmuhusas

Sálašalmmuhusas galget leat almmuhangeatnegasvuoda biirii gullelaš guđege bivdo-juvvon dahje lassisálašin ožžojuvvon guoli oasil čuovvovaš dieđut:

- 1) guolásteaddji namma, riegádanáigi ja čujuhus;
- 2) guoli šládja;
- 3) guoli guhkkodat;
- 4) diehtu buoideveavssi čuohppamis;
- 5) bivdobeavvemearmi;
- 6) bivdobierggas;
- 7) bivdoguovlu;
- 8) diehtu guoli vejolaš luovus luoitimis.

Jos guolástanmátkkiid ordnejeaddji bargá sálašalmmuhusa áššehasa dahje áššehasjoav-kku sállasís ja bivdodáhpáhusas iešguđege guolástanreaissu mielde, galgá son almmuhit 1 momeantta 2–8 čuoggáin dárkkuhuvvon dieđuid.

Dieđu buoideveavssi čuohppamis galgá almmuhit dápmoha, luosa ja jávreluosa buohta.

Luovus luiton guolis galgá almmuhit guhkkodaga uhcimustá vida sentte dárkilvuodain.

Ruoššaluosa buohta galgá almmuhit dušše 1 momeantta 1, 5 ja 7 čuoggáin dárk-kuhuvvon dieđuid ja guliid lohkomeari.

4 §

Bivdoguovllu almmuheapmi

Sáivačázadagain elege sisčázadagain galgá almmuhit jávrri, joga dahje ádjaga dárkilvuodain. Dan lassin galgá almmuhit dan gieldda, man viidodagas guolásteapmi lea dáhpáhuvvan.

Nuortamearas sálláša galgá almmuhit riikkaidgaskasaš mearradutkanrádi statistihkaid geavahan smávvaruvttuid mielde (Čuvvosat 2-4). Dan lassin galgá almmuhit dan gieldda, man viidodagas guolásteapmi lea dáhpáhuvvan.

Duortnosjogas ja dasa golgi oalgejogain sálláša galgá almmuhit avádagaid ja gielddaid mielde čuovusin leahkki kárta vuodul (Čuovus 5).

5 §

Almmuhusa eatnandieđalaš heivehansuorgi

Dát ásahus heivehuvvo guolástanlága (379/2015) 2 §:s dárkkuhuvvon čáhceviidodagain. Ásahus ii goittotge heivehuvvo guolásteamis Deanu čázadagas Suoma ja Norgga gaskkas dahkkon soahpamuša (SopS 42/2017) čuvvosis 1 dárkkuhuvvon Deanu rádjajohkaoasis, luosagoargngunguovllus iige Deanu čázadaga čázadatguovllus.

Go Njávđánjogas guolástuvvo, almmuhusa galgá bargat Suoma bealde goddojuvvon sállášis.

Go Duortnosjogas guolástuvvo, galgá bargat almmuhusa Suoma bealde gáddái bukton sállášis, dahje sállášis, mii lea Suoma bealde guolásteamis ožžojuvvon.

6 §


Fápmuiboahhtin

Dát ásahus boahdá fápmui 1 beaivve ođđajagimánus 2025.

Helssegis 5.12.2024

Eana- ja meahccedoalloministtar Sari Essayah

Guolástanráddeolmmoš Eija Kirjavainen



3H0

